

國  
朝  
詞  
綜  
補

國朝詞綜補卷五十四

無錫丁紹儀杏舲輯

李子馥

一首

潘 曄

七首

潘遵璈

十首

朱志沂

十八首

王 復

六首

王壽庭

十六首

楊祖學

三首

高思齊

二首

史應蘭

一首

蔡鵬飛

一首

潘仕宜

二首

張 杲

一首

董葆身

一首

李子馥

字月樓雲南太和人官福建縣丞咸豐三年助守仙遊歿於陣

踏莎行

幾陣飛花數聲杜宇催將春去  
催人去陌頭柳線萬千條  
可能綰得游驄住  
別恨頻添歡期易阻  
況兼一夜沉沉雨  
惱他芳草太無情  
朝來綠徧天涯路

潘 曄

字仲超長洲人諸生咸豐十年遇亂殉難有錦瑟詞

玉京秋

王寅立秋前一日追涼蘭苑風露橫天偶憶去年顧婉香女史爲予作蘭苑感懷圖即此日也  
駉鷺一去憎輝五度新矣拈得  
弁陽翁夾鐘羽調

金井葉今宵動商意攪人淒絕  
夢散輕煙淚凝墜露魂迷殘月  
望斷淩虛羽怯向鶯簾重認  
鵲雪粉綃疊筆花常粲定超塵  
劫一自瑤京重躡又秋風蟲聲  
怨咽珠

箔燈昏釧箱麝冷憑誰堪說暗數前年事賸有妙繪珍  
收香篋彩雲凝愁見明河影濶

蘓幕遮

秋夜不寐

碧苔門紅葉徑斜捲筠簾一角秋煙暝一闋松風歌未  
竟悵望寥天斗轉銀河耿鼎銷香燈斂影夢繞蘭雲  
孤枕慵猶凭怪底愁人眠不定鶴警宵深露下閑堦冷  
西子妝

留別西湖次王槐庵寄懷韻

袖拂山青帆搖湖綠銷我醉魂何許黛螺採眼看分明  
再休疑夢中飛度荷陂蓼渚繫不住吳儂歸櫓最纏綿  
是六橋深處翠樓煙雨臨歧路多少游情分付蘇堤

國朝詩集卷之三  
樹摩崖好句有人留已難尋舊題詩處芙蓉眉嫵待捐  
珮俊遊重顧費狂吟拚盡相思付與

八聲甘州

王槐庵囑題戲馬臺除夕酌項王圖

笑狂生無處寫悲懷閑尋憤王臺算途窮似此血濡翠  
袖蹄蹶烏騅自古英雄兒女邱貉一荒坏誰念遺墟在  
更醉殘杯 賸有天涯倦旅把梨花凍釀除夕能來搗  
滿腔熱淚搔首問雲隈憐塵世沙蟲多劫慨異鄉天上  
又星回年華換聽黃河曲戍角還催

臺城路

秦淮女校書馬眉卿飲虹水榭聽琴圖

年年踏徧秦淮路尋秋未逢眉嫵倩影欺花香名擬黛

偏向冰綃認取靈芬試撫定自寫當時冶懷娟楚畫檻  
臨江暮潮何不載愁去琴歌曾此竚聽絮塵吹散後  
幽賞誰與遂舫迎風釵樓轉月添了瑤情無數梨雲甚  
處賸譜豔評香醉題繖素待訪歡場翠蛾消幾許

憶舊游

述哀

指門眉草色壁枕松陰觸景迴腸茅屋牽蘿補記簾深  
雲冷人影棲雙每憐燕巢曾借長願寄雕梁奈兩度春  
來花飛絮落却換紅羊難忘黯魂處是雨夕篝燈月  
夕浮觴一枕湘蘭夢被花鈴驚破翻作愁鄉頓教玉臺  
塵跡零落付煙荒祇舊倚紅闌隨風絆入秋蔓長

摸魚兒 憶舊

悵仙源露桃無恙人間天上難接蓬山小佳蘭因了底  
事注名鴛牒春夢歇痛塵世匆匆幾換紅羊劫鴈啼濱  
血似記得當年彩雲易散羅袖淚痕疊銀潢路倘使  
今宵可越尊前何必淒切年華遲暮儂無怨但怨塞鴻  
音絕頻哽咽空只有將愁訴與天邊月平時恨別便盼  
到相逢還防鸚鵡離緒苦難說

潘遵璠

字子繡吳縣人咸豐十年  
蘇州陷殉難有香隱盦詞

菩薩蠻

和溫飛卿韻

謝娘夢斷芙蓉枕夜深嬾織迴文錦心事託鑪煙絲絲

飄上天 思量情不淺難借并刀翦蠟淚五更紅下帷  
偏怕風

喝火令 和吳清如丈

一角紅樓側雙鬟碧玉家那時同話夕陽斜不道藍橋  
重到夢影已天涯 空贈當筵扇難尋泛海槎人生能  
有幾韶華禁得年年飛絮又飛花禁得花花絮絮飛徧  
舊窗紗

角招 秋感和劉

怕秋到悲秋客幾時始解愁抱隔簾涼月皎碎葉捲風  
飛去誰掃天涯夢杳只恨寄江蘼多少欲寫予懷渺渺



甚千萬杵寒砧又今宵齊擣

悽悄砌蛩響促沙鷗訂

嬾目斷長安道

兼懷  
湘生

瘦吟燈共照譜入琴絲都成商調

秋過半了訝兩鬢霜華侵早強說潘郎未老待招隱小

山中拚長嘯

時清如丈與同  
人有賞桂之約

疏影

秋影

雲移漏月又畫屏小小鐙閃明滅萬象玲瓏分照涼宵  
看來分外清絕鴛機漸有疏螢度鴈過寒塘空闊怕  
露華飄滿堦前夜久暗侵羅襪猶記薰籠悄倚箇儂  
午夢醒蟬鬢釵折一縷鑷煙一桁簾波一角樓陰相接  
梧桐依約含漣怨卻嬾數閑庭殘葉甚霎時斜轉銀河

尚見簾紋重疊

探芳信

樓陰滯夢簾波盪春小憩園林感吟成調

步幽窈正柳眼開初花魂醒了算一年芳事閑中占多  
少夕陽樓閣遲歸燕簾捲人偏悄訴柔情絕似游絲向  
空斜裊天氣嫩晴好怕謝盡荼蘼錦書歸渺試問東  
風能否把愁掃闌干曲衆同誰倚淚染紅心草暗銷凝  
不信嬉春尚早

高陽臺

玉田生夕陽巷陌詞意便面爲琴西主人題

花草爭春樓臺入盡江南麗景年年紅板橋頭記曾拾  
取珠鈿東風不管人消瘦惹詩魂幾許纏綿隔牆陰一

樹櫻桃一架鞦韆嬉游俊侶休重覓怕香殘舞袖酒  
冷歌筵不是黃昏綺愁已到吟邊六朝多少繁華夢算  
而今說也堪憐只垂楊送盡歸驄依舊籠煙

徵招

七月十二日清如丈招同浣花仲衡旗亭小飲浣花先成是調余亦繼聲

歡游易動黃墟感

席間丈談昔年與順卿丈功甫兄文讌事

笙歌那堪重聽

灑落舊情懷只閑鷗能省西風吹漸冷怕消瘦碧梧桐  
影漫憶年時錦江游跡玉京吟興且領故鄉秋秋何  
處依依共探芳徑醉待愁銷又蛩淒蛩病疏花眠未  
醒試攜手畫闌斜凭訂新譜話到忘機驀寺鐘催暝  
花心動

此豔景淒迷綺愁紛沓倚碧桃花下曼聲歌

春鎖誰家又相逢。清明困人天氣紅。窮翠深。蝶嬾蜂嬌。  
中有十分濃思，便將歌管催愁去。怕愁被柳絲重繫。算  
惟是聲聲杜宇，替儂彈淚。幾度東風到矣，看一騎紅  
塵撲來，猶賦悵望。畫樓不是當時低，喚折花人起草痕。  
遮徧江南路。漫贏得春衫蕉萃。夢醒處。韶華暗嗟逝水。

垂楊

秋柳

章臺路。甚春情換了秋情，無數一角殘陽，可憐猶照愁  
眉嫵。飛鴉歸向梢頭聚。漫贏得瘦痕如許。最銷魂臨別  
攀條唱柳郎詞句。休憶青青前度。蘸流水半堤倦腰。  
難舞。勢馬人來幾回惆悵，和煙語。西風便解梳千縷。總

不是少年張緒况聲聲又聽寒蟬吟漸苦

倚風嬌近 花落

紅褪啼妝杜顰聲裏腸斷一年春事匆匆換風雨昨宵  
聞愁煞倚樓人散了香魂尙倩游絲低捲 凝想多時  
難寫秋娘悵怨留客金尊重款臘粉零珠賦情倦閑庭  
院疊闌但壓斜陽滿

宋志沂

字浣花長洲人諸生成豐十  
年蘇州陷殉難有梅笛庵詞

相見歡

釵聲何處簾櫳夢惺忪料是玉人春起曉妝慵 雙燕  
去愁無語倚東風卻問桃花可似那時紅

點絳脣

院落愔愔等閑釀作空堦暝孤眠易醒好夢無人省

簾外東風簾底殘燈影芳心警綠窗人靜夜雨梨花冷

虞美人

春風吹得閑愁捲愁共斜陽遠向人強說未銷魂贏得  
一回淺笑一回顰燈邊又是黃昏了寒意今宵早月  
華依舊到花陰忍記當年雙影盡樓深

謁金門

天又暝細雨一簾香冷雨到晴時風不定月明花顫影  
今夜枕邊偷省昨夜鏡邊笑並料得盡樓殘醉醒晚

妝和淚等

浪淘沙

悵絕可憐宵冷雨瀟瀟雨晴又見落紅飄  
明月不嫌春寂寞還照簾腰  
昨夢太無聊黯黯魂銷愁絲繫在兩  
眉梢花不替人描別恨人替花描

錦纏道

何處鶯啼喚起舊愁如織掩雕奩晚妝纔畢鏡臺斜倚  
慵無力顧影成雙背著銀釭憶甚今宵月明盈盈如  
昔冒花梢淡煙溶白怕曉風還送春來放隔溪楊柳又  
攪波心碧

雨中花

一片明河簾外映看依舊舊時光景碧玉闌干芭蕉深處露下空堦冷漏盡燈昏剛夢醒又早是悲秋成病檐角煙沈牆腰月轉閑卻梧桐影

玲瓏四犯

花椒小枕

寶枕玲瓏愛出入懷中如佩蘭茝一握相貽休把紫羅囊比還怕醉後聞時誤隔夜鬢雲芳氣試問他撫向燈前知否苦辛滋味酒杯曾泛春風面費金針巧翻新製佳人獨處愁攀折添繡鴛鴦猶未倘許夢到游仙好頰盈升多子奈暖香空薦偏不省溫柔意



洞仙歌

蚊幃

溫柔鄉好卻清涼如此紙帳春寒定難比笑蚊飛四面  
無計尋踪祇枕畔漏洩絲絲花氣 昨宵人倦早女伴  
來遲羅扇慵揮喚郎替燭影暗牀前霧縠垂垂知道是  
蕭娘睡矣間記否當初抱春愁慣白晝閑眠任他鉤起

八聲甘州

秋柳

正天涯落葉簸秋聲西風故驚人況章臺煙冷隋堤霜  
重好夢成塵可記曾攜手處青鎖畫樓春彈指華年逝  
添了愁顰 莫問當初萍絮又絲凋鬢影無減眉痕曠  
斜陽一抹扶任瘦腰身料今宵斷邊繫纜酒醒時涼月

映黃昏凝妝處重回頭望更怕銷魂

疏影

西瓜燈

長圓碧月指樹邊幾盞煙翠明滅隔水低懸清若壺冰  
東陵舊恨堪說秋光蟋蟀聲中好莫錯認元宵時節便  
買來那用金錢自有故園風物猶記瑤釵鈿縷綵絲  
更繫了蘭穗初結不怕風吹不怕蛾飛比似螢囊還潔  
青燈有味君知否待細把苦甘分別卻笑他一點紅情  
熨得吟懷都熱

一萼紅

閨人搗鳳仙花染指甲詠之以續花史

碎紅芳似守宮夜搗閨伴十分忙玉杵凝膏金盆擣豔

點點飛散穠香算不負朱闌徧種好女兒花助女兒妝  
粉暈桃腮脂痕櫻口深淺相當 染上纖纖春筍勝斜  
簪羅扇輕綴釵梁緩緩調絃徐徐把酒偷眼還自評量  
最銷魂珠簾捲罷露蕊尖凭檻共招涼卻怪檀奴頻覷  
袖底深藏

渡江雲

寒夜舟泊松陵天低欲雨水冷不波旅感紛來扣舷歌此

夕陽山擁去綠波萬里暮色漸蒼茫亂鴉枯樹外一片  
漁歌隱約度迴塘今宵酒醒舊時月不在蓬窗空牘得  
兩三星火人語舫樓霜 堪傷蕭蕭雙鬢渺渺雙魚更  
匆匆雙槳還說甚詩留歡影酒洗愁腸孤衾料沒相思

夢便夢也隔斷紅牆簾幙底不知誰對蘭缸

惜餘春慢

春暮坐萬綠陰中愁絲不約而來賦此遣寂

倦蝶偎煙嬌鶯吹絮鎖日香稠寒嫩一番對鏡半晌窺  
窗卻道海棠開盡愁煞湘簾萬重不挂斜陽挂將春恨  
料殘紅庭院明朝還有倚樓人問依舊是高燭巡花  
深杯量酒者樣淒其誰信鵲呼夢去燕帶愁還只怕意  
兒不穩雙眼無多淚珠禁得羅衫幾回偷搵但低低分  
付天邊蟾魄再休相近

瑣窗寒

冬夜風雪作寒悵然有懷

一片斜陽鴉啼漸近峭寒庭榭思量舊事一去更無知

者牘梧桐欺人未眠萬千敗葉愁邊灑更角聲城上鈴  
聲樓外漏聲窗罅 香炷魂銷也驀記起相逢去年今  
夜紅燈勸酒暖煞樽邊情話甚今宵羅幃半空夢兒不  
到簾影下倚孤衾似醉還醒雨淚凝鮫帕

鳳凰臺上憶吹簫

庚戌中秋聽雨不歡因以曼聲寄慨

似水華年如雲夢影能禁幾度魂銷況不情秋雨故意  
蕭蕭便許澆愁有酒愁腸結有酒難澆凝懷處香殘燭  
冷也算良宵 逍遙舊時俊侶攜手步香街沈醉相邀  
奈雪泥萍跡都被風飄欲向青天搔首天邊月不在花  
梢爭知道牆東那人瘦盡纖腰

徵招

七月十二日吳清如丈招飲旗亭卽事成詞

更無心向旗亭賭雙鬢唱時慵聽且約共登樓把歡踪  
閑省酒杯猶未冷早催換酒邊人影影已消磨不曾消  
盡那時豪興一領舊朝衫輕拋卻歸來種花三徑鬢  
髮漸蕭疎忍悲秋成病醉眠休喚醒也休去闌干重凭  
怕紅到柳外斜陽又笛聲催暝

摸魚兒

題劉泖生鷗夢圖次自題韻

喜江鄉泊春如畫山川依舊妍麗浮家我愛鶯湖好幾  
度訪鄰尋里風靜未但日暮漁歌隔岸沙鷗起推蓬笑  
指有蟹火星星炊煙縷縷人語水雲際歸不易乍向

燈前把袂相看雙鬢如是征帆又渡黃河去夢隔重重  
煙葦秋老矣怎負卻尊邊蓴菜鱸魚味緘情片紙願早  
洗塵衫同攜短笛水調唱秋霽

王

復

字彥卿號愧庵吳縣人旅寓杭  
州城再陷殉難有煙波閣詞

浣溪紗

重經鈿雲閣自咏絮人遙靡蕪滿院矣

風葉翻飛戶不扃祇餘簷鐵嚮冬丁蟲聲如雨落空庭  
亂草長於低繡檻嫩苔暈上舊疏櫺入簾曾闕小眉  
青

蝶戀花

夢覺雁聲和月墜背著寒燈悶擁孤衾睡西北風吹

欲死柳絲怎把郎船繫  
驀上心頭還眼底百苦千辛  
第一愁滋味天末芙蓉湖上水  
相思付與迴潮寄

淒涼犯

題劉泖生秋心圖

霜風漸冽秋何處蒼然刻露山骨盡心淡迴詩心瘦斂  
玉簫淒絕楓林染血憶天際湘人遠別認當年啼痕漫  
滅怊悵向誰說長念秋江上老柳橫煙敗蘆飛雪綵  
牋漫寫渺予懷望中雲物一種荒寒儘付與蘭臺賦筆  
聽蕭蕭獨雁夜半叫冷月

玲瓏四犯

顧竹安爲江浙琵琶第一手冬日訪之  
聽彈漢宮秋一曲繁音細響入耳淒心

鐵撥銅槽便碎雨零風無此悲悄彈徹伊涼驀地鬢絲



添了還似漏點銀壺鎖一滴一聲催曉訝渠儂爲底傷  
懷揮手便成悽調明妃心事憑誰道咽空堦斷蛩絮  
早是秋宮怨秋絃怨依約珮環飛到鴛鴦問淪落青衫此  
際淚痕多少更劃然如裂雲漢外餘音嫋

憶舊遊

看非梅亦瘦是雪都香俊侶如仙聽訴銷魂事有雙星  
鑒取珍重金鈿峭寒警醒胡蝶春意淡於煙閒風絮天  
涯霧鬢遲暮薄倖誰邊當年舊遊處記柔鄉著我別  
樣纏綿黯黯花前別蘸鵲紅萬點灑向愁天忍教謝娘  
芳歲消與四條絃悵證果無時三生杜牧空自憐

瑞鶴仙 秋夜偕同人三潭汎月

藕花紅墮影指紺塔蒼茫輕移烟艇層闌幾回凭聽菱  
舟罷唱柳隄催暝銀蟾度嶺蕩秋水澄空萬頃問誰將  
錦繡湖山幻出蓬萊仙境 幽靜鷗眠蓼溼鶴唳松關  
露華涼警金飈送冷都銷減舊時景向吳天望遠琴臺  
何處慵把鄉愁暗省倚船窗擷笛高歌醉魂喚醒

王壽庭

字養初吳縣人咸豐十年  
城陷殉難有吟碧山館詞

酒泉子

斟酌橋酒樓題壁

柳氣濛濛花氣暖一霎酒旗風影亂淺斟細酌畫橋邊  
紅開夕陽天 撈筍人似真娘媚未盡芳尊心已醉醉

扶歸去聽春鶯鶯外又撈箏

蝶戀花

張次卿少尉有柔櫓一枝搖夢去及濛濛淡月上梨花莫今夜教人尋夢之句悼亡後繪雙夢庵圖徵題

柔櫓一枝聲漸杳淡月梨花又向空簾照有夢怎如無  
夢好夢回贏得愁多少人去荒庵燈影悄斷粉零脂  
寫出傷心稿翡翠衾孤寒料峭不關昨夜秋霜早

風蝶令

秋夜

滅燭香猶滯聞簫酒漸醒些些秋夢繞羅屏便索銀燈  
照也不分明悄捲晶簾起閑拖畫屨行牽牛花上月  
初生恰有蟲娘一箇織三更

沁園春

國初王師下金陵福藩才人柳翠雲爲  
十三王所得王憐之放歸錢塘復爲土賊  
劫獻彭氏奴潘茂時茂叛歸漂陽雲誓不  
辱欲投城北太白樓下死不得茂敗挾之  
奔廣德投宿棉嶺居民宋連壽家乘賊酣  
睡絕頂於大松樹下乾隆中溧陽方文操  
等因旱請此雲降壇自述如此詞以紀之

夜靜此壇翩然而至有美一人道蜀宮花蕊曾遭國難  
錢塘蘇小本是鄉親玉帳俘鴛金鞭撻鳳涇透羅衫清  
淚痕歸來也謝多情帝子憐惜殘春 逡巡重認柴門  
願常伴西湖風月新奈萑苻强暴橫牽紅袖邯鄲廝養  
驟著黃巾百尺蚪枝一條雪練了此蓮花清淨身乘鸞  
去定婆娑寶髻繫滿星辰

西河

酒間聽述秦淮近事愴然有作用周清真金陵懷古詞體淒厲之音當付秋墳鬼唱也

歌舞地烽煙換卻羅綺秦淮小劫算殘棋翠樵粉悴酒  
邊絮語已堪悲琵琶今夜休理 舊王謝門巷廢滿城  
怨血凝紫尋常百姓也無家可憐燕子五更只賸鬼吹  
簫鳴鳴丁字簾底 夕陽盡鼓動戰壘唱招魂吳楚千  
里灑徧倚樓人淚奈無情柳色青青如此流水棲雅秋  
風裏

陽臺路

重過網師巷訪宋懋庭觀察別墅已屢易主矣

舊門巷有護寒燕壘吹香魚浪怎細桃屢換東風猶是  
冶紅無恙崔護重來不爲玉人也應怊悵芳池上記那

回惜餘春曲曾唱 小宋風流何處漫想像青帘畫舫  
夕陽淒冷獨自照柳邊漁網輪游女春愁未省笑語隔  
花三兩憑他草色年年偷描裙樣

齊天樂

書孫月坡聽鶻詞後

卅年消受雙鬢拜旗亭徧留佳句草色鸚洲簫聲雀桁  
都是曾銷魂處驚心戰鼓忽一片江山盡成淒楚老去  
填詞那堪風雨聽柔艣 殘春啼瘦杜宇數聲芳樹杪  
催客歸去古館青燈荒城畫角歸也何如羈旅零星怨  
語怨香絮今生碧桃前度酒醒孤篷有人低唱否

徵招

咏明石砬女士司秦良玉銜賜錦袍

春風一騎桃花影將軍似從天下奇絕此蛾眉占淩煙  
圖畫凱歌聲沸野又宮錦戰袍披乍鳳翥雲霞鱗騰波  
浪御鑑香惹花灑綺重重障泥時光分石榴裙袂不  
羨織回文讓蘇娘才雅茜紅雙袖冶壓西蜀葡萄聲價  
盜巾幘兩字虛名笑左家兵馬

石湖仙

題封亦愚石湖釣月圖

蘆花風驟把澄碧溶溶千頃吹皺孤艇夜深來眺波心  
蟾魂浸透綸竿垂處笠影蘸半湖煙瘦招手認一星蟹  
火紅漏漁歌四圍寂靜最無聊朱絃獨叩喚起詞仙  
爲我驂鸞來又月正潮平月斜潮溜故鄉回首堪佐酒

得魚狀似鱸否

滿江紅

用湯忠愍公貽汾殉難金陵

天塹長江忽虎兕紛紛闌入痛此際空拳徒奮從容死

國獅子窟中花濺淚鳳凰山畔雲翻墨

公所居名獅子窟祖與父乾隆

時殉難鳳山縣

想英魂來往控長虹靈風颯

忠孝裔文章伯

書萬卷琴三尺便燒殘劫火血痕猶碧詩句人間傳五

字畫圖地下尋雙笠

曾與周保緒教授繪雙笠圖

歎種瓜廿載竟捐

軀青門客

長亭怨慢

張筱峰丈以悼亡詞寄示次韻奉慰

聽鶯語垂楊深院雨細風斜織愁成片寶瑟淒迷暗塵



和淚掩紗幔。珮消環。息禁幾度。添悲倦。入夢尚盈盈。問  
瘦玉誰淩波面。幽怨儘偷翻笛譜。省識箇儂腸斷。銀  
荷寫韻。歎何日彩鸞重見。伴數載恨。紫顰紅。算還勝瓊  
窗人遠。睹牋粉殘脂荀。令悽懷誰勸。

摸魚兒

糟鱸魚張筱峰席上作

藥糟卸儘。容酣卧。煙波亡卻。三泖織鱗巨口。渾無恙。身  
似玉山先倒。潮信杳。莫誤聽銀牀響。滴珍珠小。醜顏未  
老。倩柳葉橫穿桃花濃。韻紅暈。四腮好。藏梨甕。寄贈  
何愁遠道。秋風消息傳到。當年此味。能郵致。定阻季鷹  
歸棹。鄉思渺。便佐飲。還嫌千里萸羹少。瓊脂易飽。記楚

客餽殘坡仙網得厨譜合雙妙

金縷曲

柳如是小像

一幅東風柳儘人間紅  
半叔換楚腰依舊十里秦淮羞  
照影眉黛家家畫就問當日誰憐伊瘦

柳又號影憐

投刺黃

門偏不納卻山莊容易栽紅豆  
眞浪子笑蒙叟香軀  
拚擲滄桑後奈中書猶萌侈想  
彥回多壽不共絳雲圖  
簾煨羅帕一條軟繡  
恰留與美人消受半野堂空秋蘚  
合贍丹青流落天涯久家國恨漸忘否

百子令

重過媚波樓感賦

夕陽如夢照闌干  
十二偏無人倚何處新巢雙燕語不

是櫻桃花底碧海量愁黃金鑄錯灑徧盈盈淚琵琶江  
國四絃微帶秋意 猶憶翡翠幃邊挑燈低訴多少傷  
心事昨夜東風吹更急縱有瑤臺難避絮果飄零荷絲  
宛轉悟得三生未流鶯空喚畫樓飛盡紅紫

歸朝歡

妙覺寺藏明建文帝畫像江漢無情水自  
流相傳爲僧後詩也

天塹長江橫萬里燕尾涎涎飛渡矣金川門啟哭聲哀  
六宮一炬焚羅綺龍潛稽野史滇南瓢笠雲踪逝最淒  
涼半邊殘月荒寺五更起 莫怨無情江漢水帝子前  
身原佛子十三陵樹已棲鴉畫圖不共金甌碎天顏朝  
旭紫尋常僧貌誰能似問西山百靈風雨曾拜袞龍未

洞仙歌

柳絮影

江城畫裏有絲楊低舞風捲飛花更無數看模糊點點  
似夢如塵紅簾畔燕子何曾銜住 隋堤晴雪慘瞥眼  
紛紛又逐斜陽杳然去不是不留痕留得痕多還恐結  
他生愁緒便化作青萍入池塘也照不分明舊時眉嫵

楊祖學

字心淵陽湖人官福建知縣  
同治三年漳州城陷殉難

琴調相思引

賦似青雲校書囑繪羅帳罷薰詞意

金屑檀槽撥未終溼雲新斂月方中鴛鴦雙枕今夜與  
誰同 襟上酒痕凝淺碧尊前粉靨暈微紅暗思何事  
感損小眉峰

解珮令

賃春廡下寥落寡歡適有以松風蕉雨圖索題者戲填此解工拙不計也

雨聲未已風聲又起最無聊者般天氣浪跡年年慣聽  
向吳頭楚尾更休題聯牀擁被松濤如沸蕉陰如洗  
卻輸君畫中高致靜掩重門儘篆縷裊殘沈水且消他  
瞢騰一醉

祝英臺近

醺醺香夢圖爲珊珊校書題

燕飛慵鶯語倦花信過將半擬倩游絲悄把好春綰爭  
禁開到醺醺聽殘鷓鴣早韶景暗中偷換綺闌畔幾  
回夢覺銀屏未語意先嬾一抹眉痕淡比遠山遠生憎  
彩筆拈來輕綃染徧總難把冷香暖

高思齊

字文樵錢塘人官福建巡檢  
同治三年龍巖城陷殉難

憶秦娥

歌聲歇夢魂猶戀西河月西河月依依楊柳幾經攀折  
看看又是清明節天涯望斷音書絕音書絕一腔幽  
恨怎生拋撇

浣溪紗

團扇

尺素新裁似月明薄羅巧製比雲輕桃花入面兩盈盈  
記自買春題綵鳳最宜消暑撲流螢怕聽桐葉落秋  
聲

史應蘭

字煥庭金  
匱人諸生

浣溪紗

乍試輕羅怯曉寒  
遠山新翠落眉端  
悄拈紅豆把鶯彈  
花是合歡親去種  
酒能蠲忿偶成酣  
藏鉤微笑耐人看

蔡鵬飛

字梅茵婁縣人諸生有六半樓詞

好事近

蛛網

整整復斜斜  
冒徧峻簷高樹  
一任雨風摧挫  
早牽來無數  
生憎沒用似游絲  
不解綰春住  
黏得殘紅幾點待  
燕兒銜取

潘仕宜

字鴻軒番禺人監生有燈影詞

卜算子

夢裏喜君歸，醒後愁君別。縱不團圓也照君，願作天邊月。  
妾貌讓花妍，妾志期冰潔。淚滴羅衣浣不消，是妾心頭血。

柳梢青

草色

綠到天邊舊，愁新恨風雨。年年悄報春歸，暗傷春去，入望淒然。  
飛花飛絮，狂顛裝點，出韶光可憐。蝶舞鶯啼，夕陽低處，一片寒烟。

張

杲

字子瞻江夏人諸生早卒有墨華遺稿詞詞

浣溪紗

歸舟和韻



柳外匆匆卸玉驄晚霞低襯片帆紅挂帆一陣鯉魚風  
漁子停舟閒補網榜人過港暗推篷客程都在蓼花  
中

董葆身

字寶生錢唐人諸生  
有寄廬遺稿附詞

菩薩蠻

小屏紅燭搖殘焰深深庭院門初掩羅袂不勝寒月明  
人影單  
瑤階清漏永嬾把鴛衾整莫問夜如何新來  
幽恨多

國朝詞綜補卷五十四

國朝詞綜補卷五十五

無錫丁紹儀杏船輯

徐城

一首  
補詞

王蔭昌

四首

戴漉巾

一首

陳炯

一首

屈爲章

一首

李龍孫

一首

夏仲水

一首

劉延禧

四首

杜雋

一首

彭壽三

一首

宋壽喬

二首

張斌

二首

鄭瑞清

五首

沈世良

八首

周鼎

二首

楊廷棟

二首

李應庚 一首

黃經 三首

黃宗彝 三首

丁毓杰 二首

沈鴻 一首

芮應達 一首  
補詞

王效成 一首

沈瑩 九首

張鈞 一首

羊復禮 二首

徐城 字仲堅荆溪人有聽雨樓詞

蘇幕遮

畫屏空羅幕靜兩點眉山淡翠橫愁影睡起海棠紅未  
醒欲待尋春怎奈懨懨病惜分飛嗟薄命卻羨鴛鴦  
慣向銀塘並簾外游絲吹不定莫倚朱闌小院東風冷

王蔭昌

字五橋正定  
人有尺壺詞

祝英臺近

怡園感舊

翠帘低香徑遠忽忽又春半沒箇人來闌干自憑徧俊  
遊纔是經年燕池鶯榭都化作清愁一片久淒黯山  
痕淡似眉顰斜陽綠蕪淺人影衣香晴晝那時見斷腸  
楊柳村西杏花橋北誰記取釵車歸晚

百字令

月夜同李筠莊楊子宣遊滙通寺

蒼煙迤邐認薜蘿一徑行尋蘭若梵唄聲沈湖樹暝素  
月初懸樓角斷曲攬蘋橋低讓柳蠟淚幽懷託軟紅塵  
裏何來如此林壑卻憶蓮子湖頭簪蓬蘭漿曾傍叢

花泊斷夢鷗波容易散翠蓋經時罷酌今夕何年飄萍  
聚影吟嘯成良約碧筒吸盡流螢和露飛落

望海潮

搖波風軟偎林煙嫩孤情引過虹橋如許瘦蕪幾番驚  
絮匆匆兜入吟瓢山疊亂青遙向斜陽影裏換盡南朝  
一掬秋懷輕衫載酒客停橈低徊無奈今朝儘虛傳  
跨鶴何處吹簫殘月二分頽花十里淒涼紅豆全拋鴛  
鴦暗香消縱分司重到一樣無聊拚取零金賸粉分付  
暮江潮

八聲甘州

蘭因室話十年舊事感倚此解

記畫屏蘭燼夜惺忪斜月盪簾陰正荼蘼放後風絲露  
點涼徧羅襟多少秦箏清怨池閣總悵悵說到天涯遠  
愁比春深去夢何堪重省儘江天不盡煙靄沈沈更  
芳蕪綠減鬢影漸霜侵長亭路楊枝攀罷甚離懷猶繫  
到而今渾無奈有斜陽處都是秋心

戴漉巾

字潛夫  
有歸來居詞

人

長相思

綠陰稠碧雲收人在青溪一葉舟水天一色秋體輕  
柔態嬌羞山是蛾眉湖莫愁雨雲相憶不

師師令

題謝吟湘燕鶯小譜

鶯鶯燕燕最依依  
堪念東山安石太多情  
一把芳名  
搜檢黃絹色絲勞  
點染奈意中人遠  
待將海外花看  
徧數何花新豔  
燕蘭譜後替人誰漫說是司空見慣只  
恐東風容易轉已好春偷換

陳炯

字寅甫

洞仙歌

題改七香所繪仕女和潘紱庭作

春雲欲凍芳訊簷牙動  
花底雙鬟悄寒擁鎮清宵如水  
翠羽飛來平添得笛裏閒愁萬種  
鴉黃初褪了一縷  
愁痕堆上眉尖頓教重無語  
凭孤煙玉蝶翩翩怕勾起  
羅浮舊夢又暗香和月過牆來  
算畫徧闌干有人曾共

屈爲章

字韜園平湖人諸生有竹澠漁唱

探春慢

三月閒得趙良甫書越半歲矣燈下作報札竟卽書紙尾

柳纖煙空蘆搖雪暝吳帆吹到昏曉飲不成歡醒還似  
醉遠杵并將愁擣檢點相思字憑春水鯉魚流到半年  
閣住閒雲添來別緒多少一片描殘秋稿正雁語燈  
青魂夢驚繞歇馬亭荒鼓琴臺冷牘與幾回斜照我亦  
蒼涼甚最難遣西風懷抱何處尋君扁舟同泛紅蓼

李龍孫

字湘賓嘉應人諸生有綠雲山館詞

菩薩蠻

萬縷柔絲吹不斷偏教種向河橋畔鎮日起還眠腰肢



瘦可憐 絲長難到地不繫王孫轡管盡別離情纏綿  
總夙因

夏仲水

字竹甫  
高郵人

揚州慢

重過蕪城有感賦贈丁保璽

紅杏爭春綠楊縈水竹西占盡風流記湖波泛渌恁緩  
櫂輕謳想吟到松陵舊句小紅低唱無限溫柔嘆長隄  
今日昏鴉螢火都休 一回夢醒算浮生鴻印曾留趁  
熟釀醪香新開菊豔聊裊清愁說甚未妨惆悵詞人老  
莫更悲秋問登樓誰賦空憐歌吹揚州

劉延禧

字辰孫元和  
人有翠峰詞

虞美人

橫塘舟次

輕風淡日新晴護棹倚橫塘路垂楊力盡已無綿別情  
蘆花替與點秋煙清溪繞轉疎林缺側面山連接似  
嫌人看太分明疊起雲羅擁住碧盈盈

蘇幕遮

舟發毘陵夜行數十里至五牧

斷霞飛織月動風一絲絲穿戶蟄宿縫涼意逗燈愁懣  
懣輒淚融酥嬾作紅冰凍去程分歸思共絮語蟲多  
不放秋宵空殘醉欲醒衾倦擁怪底行遲夢壓船兒重

齊天樂

蘆雁小幅爲錢秋潭題

風稜刮葉霜聲峭圓沙浪平如掃夢警初潮愁催欲雪

冷信吳天吹到空江路杳任飛破秋晴叫殘秋曉客艇  
孤吟倦游何處放懷抱驚心歲華催老半生成寄旅  
空認泥爪野渡雲沈流波月瀉一幅荒寒圖稿浮踪未  
了問菰米無多甚時能飽煙水濛濛不如歸去好

摸魚兒

題柳陰清憩圖

界晴空翠煙輕軟濃春兜住楊柳香綿吹盡軒窗暖深  
戶晝扃誰叩塵不受徧看是柔絲捲地東風皺鶯偵燕  
守聽嬌語酬吟纖歌引步消付幾罌酒園林外分占  
花塍數畝羈縻何事拋久頻年遠夢隨流水江上草堂  
如舊人別後比往日多添一半新陰否紅橋渡口更月

暗移蓬霞明倚笠學作老漁叟

杜雋

字紫君無錫人有小樊川詞

望海潮

珠江記遊

飛來天鏡倒沈珠海碧空淨洗秋光桃葉渡頭琵琶岸  
畔一般豔聚羣芳十里送衣香有檣燈歷亂絲管悠揚  
似鏡波平莫驚三十六鴛鴦此時合醉二觴算年華  
似水水似情長瓊榭花田紅雲錦石更誰游說降王夜  
靜欲飛霜想倚闌多少水佩風裳只恐趁潮歸去酒醒  
夢魂涼

彭壽三

字紫鶴奉新人

浪淘沙

花信幾番更催醒啼鶯鶯喉一轉一回清卻被詞人收拾去譜入新聲  
楊柳恁多情綰住春行綠陰如水愛吹笙贏得曉風殘月句傳徧江城

宋壽喬

字瓊圃萍鄉人諸生

祝英臺近

俞芝田寫山寺尋泉圖索題蓋上年遊橫龍寺所諾次韻奉和

洞棲雲梁瀉月指點梵宮路活水源頭舊是印心處而今回首前塵禪關寂卻輪與閒雲來去  
慨寰宇吹來鶴唳風聲仙鄉在何許君感秋蒲我亦悵春樹畫圖難寫相思情長情短試卷起桃潭量取

疎影

題虞美人畫幅

穠姿欲活喚麗春小字猶恐唐突豔到難描嬌不勝扶  
生就美人香骨關心莫唱虞兮曲怕舞袖迴旋摧折倩  
粉痕約住花光免見落紅時節 休憶重瞳舊恨斷魂  
楚帳裏相對淒絕爲問東風此日青山那有漢家陵闕  
柔條嫩葉年年好總未許芳情磨滅把素紈分付黃荃  
替寫玉容孤潔

張

斌

字雲閣  
華亭人

卜算子

落照映花紅極目遙天碧渡口人家試小舟細語江邨

夕 覓宿鳥聲喧是處疎林隔古寺鐘鳴度晚風一徑  
幽情適

畫堂春

一泓秋水渺蒼葭含情自捲湘簾歸程數到已涼天爲  
底遲淹 生似成蹊桃李無言口爲誰箝飛花斷梗鎮  
相兼深鎖眉尖

鄭瑞清

字午生秀水人諸生

江亭怨

登松陵挹秀閣

獨上僧樓閒倚正值秋涼天氣飄泊已多愁又見風蘋  
煙葦 片片帆移遠水目極斜陽西墜錯認鳳眉痕卻

是遙山顰翠

清平樂

草

嫩晴催暖綠徧江南岸針樣平鋪茵樣軟歸路玉驄嘶  
斷垂楊臨水欹斜東風吹到天涯一任芳郊暈碧迷  
離又覩閒花

水龍吟

落葉用碧山韻

望中喬木參天怪伊不耐霜欺早荒園易暝空枝誰主  
憂來悄悄未散餘霞舊滋瀼露尙多林杪奈翩翩錦樣  
隨波逐浪淒涼境尋難到瓊苑從今去杳怎不顧亂  
鴉啼繞人閒縱有黃金屋貯也傷懷抱影蔽層樓響攏



哀角愁添多少歎飄零有跡秋風未許共邊塵掃

摸魚兒

餞春用稼軒韻

驀銷魂夜來風雨匆匆催卻春去問春於我千何事贏得亂愁無數留且住願帶我愁心同向天涯路憑誰細語只癡燕嬌晴病鵲愁曉到處自煩惱傷心事最是韶華易誤春光還與人妒年年總有春歸日去日那堪重訴花尙舞看一樣飄茵墜溷終塵土離情漫苦儘一醉呼觴短長亭外忘了送春處

金縷曲

鐵如意明趙忠毅公製贈孫文介公鐵重八兩四錢長一尺二寸八分額圖八卦體平位七星面文曰其鈎無鐵廉而不剗以歌以舞以弗若是折惟君子之器也

是豈尋常鐵費洪鑪雙煙一氣互相凝結折不能回磨  
不磷彼此錚錚氣骨堪贈與無多同列國柄倒持誰可  
挽恨茄花委鬼真何物分一握唾壺擊深宮弄斧君  
癡絕任朝端太阿已落尙方難乞與子摩挲期大用相  
對肝腸迸裂拚絕塞相偕遷謫賸有東林名並著似經  
天雨曜常高揭忠義鑄未容滅

沈世良

字伯眉番禺人諸生有楞華室詞

唐多令

送李明遠

華髮漸星星扁舟逐去程向西風殘酒初醒卻笑輕裝  
如落葉吹過了短長亭驛路瘴花明檣烏五兩輕渺

天涯水熟潮生苦竹黃蘆聽不斷更聽到夜猿聲

人月圓 花朝

東風吹瘦簾波影花氣斂餘薰畫檐捉絮香羅撲蝶春  
未三分 似曾相識秋千庭院冷落梨雲憑伊燕子細  
和明月說到黃昏

齊天樂 雨夜寄懷李研卿

雨聲攬入懷人句虛堂夜燈紅小木落空波天寒古驛  
那更長安西笑愁深醉少料酒醒天涯打窗吟悄病起  
維摩錦箏誰與寫瑤抱 來鴻聲度樹杪倚樓重問訊  
月黑霜曉水慢移船冰匳解佩見說盟鷗都老秋風又

到便不爲蓴鱸也應歸了檐溜依稀斷蛩鳴暗草

渡江雲

平樂道中

城笳吹恨起西風向晚猶帶別離聲振帆煙浦外斷柳  
荒蘆寂寞趁江程簾鉤落日甚如今也戀長亭拋卻了  
淡黃庭院雅影暮零星消凝漁天市散緯路沙移正  
關河霜迴還又是寒欺酒薄夢借茶醒新來漸飽江湖  
味喚沙鷗閒說生平九月上嵩螺一抹浮青

清平樂

茶匳藥鼎長日恹恹病千里魚波歸夢冷愁入眉山無  
影沈沈倦拓窗紗黃昏又換啼雅諱說天涯飄泊東

風吹過楊花

水龍吟

題青皋水蒨老屋圖

年年聽水聽風不曾留得秋聲住披圖卻笑花晴圍檻  
屋低因樹密密疎疎蕭蕭槭槭款煙停雨算今番眞箇  
湖天占斷將一片秋心鑄多少冷紅愁句向霜前鬢  
華如許香茅縛就菰蒲安穩不如歸去但恐青山空題  
畫裏又成虛語指鷗邊雁外扁舟遲我訪詞人處

百字令

偶於市中購得冒巢民爲清漪上人所畫  
橫幅卽題其後

溪藤小牕是香溫茶熟興酣揮就短檻迴廊春曲永有  
地儘栽楊柳選樹鶯啼定巢燕去十頃風漪縐靡無望

遠綠陰濃上襟袖 想見白社留僧紅絲洗研妙擅荆  
關手鈿軸漂零頻閱世粉墨模糊非舊水繪園荒湘中  
閣圯往事銷沈久影梅憶語寫生還羨佳耦

解連環

春日與青皋游花田諸園過鷺峯寺訪志上人并假館西廊以寓棊簞

綠陰柔艣渺詩人一舸柳邊呼渡乍笑語驚起沙禽又  
繞樹酬鶯隔溪延鷺廿四闌干暗自把花風細數甚清  
明未過紛紛早是落花填路 茅菴試尋梵侶喜春波  
泊宅爲留佳處是昔年夢裏曾來正槐火分煙石泉題  
句簣榻隨齋算舊約塔鈴能語更商量補竹移蕉小眠  
聽雨

周

鼎

字調梅青浦人  
有聽雨樓詞

長相思

山迢迢水迢迢江畔高樓樓上簫相思楊柳條  
憶無聊夢無聊秋去春還燕語勞愁人魂暗銷

杏花天

半春春雨東風晚難得是乍晴便暖賣花聲和鶯簫喚  
繡陌香車歸緩牽情緒柳絲凝面惹畫閣悄停針線  
雙雙燕子梨花院潑眼韶華欲換

楊廷棟

字東甫吳  
江人諸生

長亭怨慢

絮影

又鶯喚東皇歸早蕩漾纖魂倩伊殘照認不分明慣隨  
風力共吹到去來如夢香徑裏紛難掃捉處訝都非但  
暗惹兒童喧擾誰道有征鞍暫駐寫盡怨懷多少空  
痕萬點鎮攙入一隄芳草怕也是幻化匆匆更禁得萍  
踪飄渺算著溷沾泥差免春人懊惱

玲瓏玉

藕絲

圓玉擎來且橫截付與銀刀纏綿不斷甚時早種情苗  
最愛蓮筒佐飲稱風前搔首詞鬢飄蕭涼招看當筵冰  
水共調記取晶盤碎嚼任夢如難理瓊思偏饒遞到  
慈纖尙輕盈皓腕紛撩憐伊玲瓏心孔便真箇癡蠶縛



定那算堅牢莫成片是相思愁緒未消

李應庚

字星村閩縣人諸生

浣溪紗

羅衫

瘦骨珊珊弱不勝纖羅初御最宜人開箱重把水沈薰  
隔歲酒香猶未減及時花樣幾回新不堪頻浣是啼  
痕

黃一經

字笛樓永福人監生有孫鶴山房詞

長相思

經柳林間

星一天月一鞭撲面西風吹曉煙行行烏帽偏 草綿  
綿柳纖纖柳外遙山餘半邊眉痕青可憐

蝶戀花

天氣初晴鶯舌膩  
悄立花前自把花鈴繫  
小玉輕扶嬌  
不理衫痕鬢影春如水  
香燼薰鑪和夢倚  
燕蹴爭絃  
驚是梁塵墜  
檻外落紅飄盡矣  
東風漾到簾兒底

青玉案

席上和友人作

高樓明月高城鼓  
似隱隱留人住  
投幘爲君行起舞  
北山羅雀南山射虎  
莫漫傷今古  
白衣蒼狗何憑據  
此意茫茫向誰語  
自昔英雄無賴處  
東鄰割彘西鄰燔黍  
賴有杯中醕

黃宗彝

字肖巖侯官人  
諸生有婆娑詞

步蟾宮

風簾怕礙金釵滑好穩步凌波羅襪貪看明月可中庭  
偏過了團圓十八 蓼蓼街鼓如相答早聽到雞聲雜  
杳清宵已是不成眠更何處鳴機軋軋

踏莎行

閉戶留雲捲簾待月閒情漫向青燈說鸞笙鳳管久拋  
除宵來擊得銀壺缺 秋水傷懷春波送別懷中刺字  
應磨滅門前閒卻五湖舟何時歸釣寒江雪

紅娘子

皓月窗閒射清淚如鉛瀉圓枕冰寒敗衾鐵冷漫漫長

夜喚兒曹吹火煮新茶當園鑪行炙 莫漫窺駒罅更  
把重簾下細檢新詞旋抽舊草殘燈欲炮聽秋蟲吟到  
五更天正更籌亂打

丁毓杰

字馨芝武進  
人有憫香詞

### 金蕉葉

今番償了相思未剛逢著釀花天氣纔整晨妝如何減  
了春山翠半醒又還如醉 偷香好趁游蜂戲問嫣紅  
姹紫餘幾近來祇覺花叢繞徧無歡意水檻更同誰倚

### 掃花遊

珠簾半捲想鎮日閒將歸期數徧韶光一線怕深紅落

國朝詩集卷之三  
盡幾絲香軟重上湖州可似苧蘿初見水波暖也解送  
行人疾流如箭密約而今踐記楊柳樓頭枇杷庭院  
頻窺嬌面怪春來小別雙蛾較淺掠水銜泥辛苦舊巢  
歸燕且消遣漫疑猜酒貪花戀

沈

鴻字問秋  
會稽人

金縷曲

題丁保庵萍綠詞

廿四橋頭住早勾消十年一覺夢隨春去四敞軒窗三  
面水六曲簷屏涼護正鷗外玉龍低訴十二闌干和悶  
倚更紅牙一管秋垂露九還煉四聲具雙丁伯仲才  
名著數吹埤珠穿一一九宮無誤年少周郎工藻語

謂瀟

碧

五色邱遲錦付總輪與八音諧處我亦強填華十八  
似二分月隱三霄霧嫋嫋女曲難度

芮應達

字宜庵  
江都人

長亭怨

故里荒蕪秋懷寥落倚此索丁保庵和

正落葉聲催秋渡一角遙山一川涼霧喚起詞魂舊時  
明月在何許水荇搖晚漸愁滿汀洲路春夢了無痕算  
杜牧三生還誤日暮任紅牙拍冷難寫此回情緒門  
前短柳也淡到碧無描處聽隔浦斷雁驚呼早迸入玉  
龍哀譜問甚日歸來孤艇浮煙尋去

王效成

字約甫  
有伊蒿室詞

人

玉漏遲

秋翁約過九峰草堂夜話三鼓始歸

漏遲深巷窈幽眠熟否叩扉人到重翦疎燈共話尊前  
懷抱幾許風煙往事卻話到淒涼多少情暗惱窗邊竹  
外秋聲來早白髮兩兩相看甚磊落王郎今非年少  
青眼高歌怕負浣花詩老衫袖年時倦舞且漫聽荒雞  
催曉歸路悄依依素娥留照

沈

瑩

原名杰字晴庚無錫人  
諸生有留滬吟館詞

祝英臺近

黑蝶和順信二丈唱酬之作

黯芳塵迷畫幃甜夢幾時醒燕子人家飛去捉無影一  
天如墨春陰霧昏煙暝看繞徧羅娘妝鏡采香徑最

憐小膽驚魂覓伴夜深靜眠到屏風團扇耐他等莫須  
煤麝描蛾賣花聲唱賺跟上烏蓬應肯

法曲獻仙音

重過素心堂不勝今昔之感用周草窗弔雪香亭梅體

玉骨行雲翠眉脩月春駐妙蓮花頂誦斗臺荒步虛聲  
杳漂零夜壇笙磬更何日飛瓊許相逢玉樓竝重淒  
哽但游仙夢曾來處都慧福脩成廢垣頽井莫問倚闌  
人正豔雪霏空無定傷別星娥似空山涼雨再聽騰窗  
前幽獨一樹古梅香冷

浣溪紗

燕子樓頭燕子樓月明橋畔月明時水窗鬟影照人低



愁可爲珠判十斛簾偏如網結千絲眼波剛溜漿雙飛

蘇幕遮

燕簾垂鶯戶悄漠漠沈陰閣住紗窗曉芍藥酴蕤開不了  
難道今年猶怨春歸早夢惺忪寒料峭碧海藍霞

別有愁懷抱春去還來人已老花外高樓樓外粘天草

柳梢青

會稽姚半林老詞人也薜荔袁江出詞見示半皆尊前酒邊之作風旨於彈指爲近爲題數語於後

醉倚瓊簫新聲北里玉樹南朝無賴鶯啼偶然燕語聽  
也魂銷天涯短鬢飄蕭定夢冷珠鈿翠翹一月孤圓

萬花濃睡酒醒今宵

菩薩蠻

汪菊士堯庚梨雲春夢圖

茫茫一片輕雲疊煙霜明月難分別夢境太淒涼宵長  
夢更長 仙心描不就人影如花瘦滿地白榆錢天邊  
一鏡圓

齊天樂

題朱希之泛海逢春圖

茫茫弱水三千里神仙幾人能到破浪豪情圍釵豔福  
都是書生懷抱探花視草恨珥筆蓬壺致身不早泛綠  
依紅丈夫豈合此中老 相如倦游已賦讓君淩萬頃  
猶自年少落落詞高飄飄意遠況有清娛嬌小英游浩

國朝詩紀初卷五  
二  
渺定此去仙槎竟登買嶠東指扶桑海天霞正曉

南鄉子

張仲甫聽雨圖

高閣小於蓬欲殺銀釭暈斷紅催到杏花消息未丁東  
可與箏樓點拍同卻記客舟中暮雨吳娘唱最工聽  
徧瀟瀟江上曲惺忪酒醒衾寒夢正濃

高陽臺

雨夜

玉漏聲微銀燈燄短一衾孤擁無聊豆點飛來吳娘儘  
訴飄蕭畫廊添箇蟲蟲語便空庭冷似秋宵問聽從歌  
館僧樓可也魂銷天涯何處無風雨奈秋心易碎還  
甚芭蕉夢醒都難生憎良夜迢迢才人例有靈均怨好

商量手續離騷恐今番釀到黃梅詞鬢先凋

張

鈞

字子京常熟人有海紅詞

浣溪紗

罨畫樓臺鎖曉煙東風微雨養花天綠榆散盡買春錢  
蝶翅粉銷驚宿夢蜂腰黃褪怯新寒梨花寂寞淚闌

干

羊復禮

字辛楣海甯人

好女兒

舟泊津門用晏幾道體

蓼影蘋花秋在誰家倚孤篷悄向長空望祇露寒如水  
月圓如鏡雲薄於紗悵我頻年浪跡紅淚泣爲琵琶

況西風吹鬢人將老更一天歸雁數聲班馬幾樹棲鴉

百字令

月夜十刹海觀荷

涼蟾飛白看綠荷萬柄風來香滿隱約雲橫瓊島碧半  
是廣寒宮殿柳外星高桐閒露溼想像天閭遠妝樓千  
尺土花繡鬢蟬鈿當年避暑離宮闌紅深處四面窗  
紗茜水珮風裳依舊是不信繁華都換鴛宿花寒鷺依  
人瘦遙盼銀河斷晶簾如水幾聲玉笛淒眷

國朝詞綜補卷五十六

無錫丁紹儀杏舲輯

李 淳

一首

金守正

二首

高隆諤

二首

許玉彬

一首

王 葵

十首

汪 鋈

六首

單學傳

一首

申昭模

補詞一首

蔣恭亮

二首

蔣 坦

補詞二首

沈化杰

一首

趙泰來

一首

沈玉綸

七首

孔廣牧

一首

孔德祖

二首

黃之馴

一首

梁朝禮 一首

陳文翔 一首

喬守敬 一首

黃長森 一首

曾惠 一首

方士遴 一首

梁履將 二首

王韜 四首

周星蓮 一首

包汝量 一首

李涪 字仙根元  
和人諸生

醉蓬萊

喜青鸞傳到千里情絲一緘春怨上已良辰道歸帆休  
遠懊恨烟波把人淹滯誤樓頭望眼燕子飛來牡丹開  
了春光偏賤 別館驚心幾回風雨江南江北落花泥

徧一徑蘼蕪早綠迷階蘚十二時中六時能睡那六時  
怎遣試問歸期者番應在月圓時見

金守正

字子則號芷衫長洲人  
諸生有秋燈遲夢詞

喝火令

眉月臨芳砌心香上畫簾乍涼新換薄羅衫挑起夜釭  
相對鸚鵡熟無嫌縱見愁難撇纔分恨又添玉消花  
瘦信空緘最是西風最是夜慙慙最是惱人滋味祇有  
夢兒甜

洞仙歌

得秋聲館主人海上書

天涯海角恨飄零彼美一碧秋煙暮山紫有飛來朔雁



帶得相思情縷縷吹入白蘋花裏  
玉鐺緘短札反覆  
迴環懷袖三年忍相棄細說鳳鸞巢第幾瓊枝今借得  
囑儂牢記奈獨聽啼蛩對銀缸想翠被香溫此時眠未

水調歌頭

與散翁話雨

冷耐一窗雨滴破此清秋溼螢來去無定低向草閒流  
一片模糊雲影一點淒涼燈影閣上兩眉愁休說昔時  
事雙淚落吳鉤披短蓑對團笠可能不煙波萬頃正  
好同泛五湖舟早辦竹竿絲網準備茶鐺詩卷聊可伴  
閑鷗明日放晴未蕉葉響颼颼

高隆謬

字正甫山陰人諸生

百字令

題俞芝恬大令所繪弄猿婦

軟紅塵裏嘆青鞋踏徧風霜蕭瑟無限飄零身世感試  
向蓮花歌出綺陌年年荒城處處蹙損雙蛾碧天涯知  
已野賓長伴岑寂曾記供奉前身蘭英舊事千古都  
無匹漫把閒花輕量取流水行雲心跡聯臂偕遊斷腸  
同調幻作登場客叩門誰應負他如許春色

金縷曲

爲俞芝恬題斜倚熏籠圖

衾枕寒如此問熏篝餘溫可解替融愁思苦憶當年羅  
帷裏暖玉光風細膩爲底向天涯留滯鶴夢淒涼鴛夢  
冷數更籌兩地應無寐離別恨是誰最披裘幾度嬌

國朝詩集卷五十二  
三  
慵起撥殘灰俚他宿火寶釵斜墜燭影熒熒香垂燼一  
任閒堆錦被領略盡相思滋味拚待綠窗紅日上把新  
詩織作回文寄湘竹暈漬清淚

許玉彬

字青率番禺人諸生

滿江紅

同倪耘劬夜泛珠江

得月臺邊閒月色可還如昨趁夜靜秋生海國魚龍寂  
冥夢醒嬾尋莊叟蝶興豪擬跨揚州鶴愛烟波蕩漾一  
舟移簫聲作曾經過濤頭惡也見慣雲鬢薄數舊遊  
歷歷悲歡交錯老我塵顏聊放達輸君綺歲堪行樂向  
江天莫惜醉千觴星河落

王 莢

字小汀甘泉人  
諸生有受辛詞

暗香

西山且住廬看雪郭堯卿譜疎影先成余譜  
此調和之

甚春寂寂又怎生負了鶯花消息做暝釀寒吹起層陰  
滿空碧一夜山中夢醒看素壓空庭寒積但怪得柳絮  
飛來愁點鬢蕭瑟風急暮雲密正凍合萬山漸隔人  
跡怕吹玉笛籬角梅花已狼籍湖上詞仙去也空暗憶  
芳尊凝泣問甚處重喚起小紅唱得

淒涼犯

西郊見新柳感賦

態疎意密空枝裊春風一夜闌入幾莖鬢短看他驀地  
畫眉人立荒溪浸碧正偷眼遙峯黛溼怪絲絲吟邊暗

觸都是舊愁織 長記紅橋畔酒舫傳歌晚煙橫笛楚  
腰在否我何堪更逢春色社兩人家有雙燕來時慣識  
間而今幾處繡戶尙似昔

惜餘春慢

刀魚同郭堯卿汪硯山賦

玉尺跳波并刀膾雪略比侯鯖鮮美酒兵乍接長鋏休  
彈領取江鄉風味曾記銀苗上時潑刺攜來割將龍耳  
笑幾人口利懸河只是羨君臨水 休漫觸環約佳期  
書裁綠素瘦削憐伊難寄無腸飲劍有骨含鋒爭似羈  
孤心意何事春風賺人翦取柳枝穿來雙尾正相逢玉  
筋金盤愁說清明近矣

疎簾淡月

硯山繪樓雲山館記曲圖譜此索和

梁塵繞遍甚畫閣春闌更閒鶯囀待月簾櫳一桁綠波  
高捲吟懷譜入閒絲管細商量羽移宮換墜歡如夢新  
愁似水夜涼庭院度一縷新聲淒豔問小紅何處曲  
終人遠思入屏山眉鎖幾重幽怨竹西歌吹音塵斷聽  
清商秋士先感籌花鬪酒拈紅刻翠此情都倦

雨霖鈴

初秋和黃子鴻雨窗抒悶

愁心如葉聽芭蕉裏暗雨淒切西風不管人瘦催涼意  
做清秋時節燭翦西窗淚冷怪羅扇輕掀向暗地一縷  
幽情付與空階草蟲說玉繩漸轉看明滅數星期已

是經年別相思人閒天上金井外漏聲凝咽此意誰知  
只有潘郎添倍華髮怪碧宇不捲纖雲但捲纖纖月

一萼紅

戊午春客吳陵轉蓬吟館見鄰家海棠盛開同姚仲海賦

最難禁聽連朝猛雨花事漸銷沈蠟淚飄紅牕脂汚雪  
誰信春在牆陰看低亞一枝秀靨甚院宇關不住春心  
嫩蕊輕銜畫垣飛度輸與珍禽 寒食清明纔過算荼  
蘼尙早怎說春深西府名香東鄰人悄終歎隔斷幽尋  
且莫把餘醒喚醒到秋宵還怕暗愁侵綰住芳菲亂絲  
休惹苔蘚

翠樓吟

登浦口城望江樓感賦

磴接鵬雲山環雉堞飛甍去天尺五將軍屯部曲正江  
上繁笳如雨東南吳楚看風捲牙旗煙橫樓櫓關愁處  
莫愁湖上亂峯無數幾度吹徹蒼虬弔六朝金粉醉  
歌瓊樹興亡空復爾算惟有江山如故銷魂羈旅歎濁  
浪東流夕陽西去汀州路幾聲啼鴉又催春暮

甘州 寒鴉

繞空枝三弔竟何依天末夕陽孤正無邊暝色煙翻雲  
掠愁接平蕪誰信一寒至此木落萬山枯烏夜邨何在  
夢遠江湖生怕玉顏人妒帶昭陽日影敢近鴛鋪念  
隋隄楊柳凋盡翠眉圖算我亦飄零倦羽向天涯換了



白頭顱高城外五更霜角腸斷嗚嗚

霜葉飛

紅葉和姚仲海

斷霞林杪停車處寒山誰信秋早不關多事是東風也  
不關斜照但一夜霜華受飽芳顏依舊同年少怕負卻  
新妝又遠襯眉峯一抹翠巘深窈悽絕塞上臙脂紫  
臺人去夜月珮環歸杳玉階飛墮悄無聲悵故宮誰埽  
映鴉背殘暉正好年時都爲丹鉛老再誤他朱成碧又  
是春來怨情離了

西子妝慢

有懷三十六湖樓荷花

簾捲蘋波瀾浮藻檻極目水雲一片明璫翠羽尙依然

似甄妃襪羅新浣幽芬靜散蕩花外樓臺香滿去來時  
怪匆匆飛鵲頻隨征雁清遊款有客停橈碧樹維春  
纜題詩門外月初沈立西風露華凝豔霞裳漫翦何時  
共沙鷗偷眼汎扁舟三十六湖夢遠

汪

鋆

字硯山儀徵人監  
生有梅邊吹笛詞

### 高陽臺

碧玉煙凝紅樓影隔故人那似桃根別思繁懷者番淒  
斷吟魂年時儘有相思淚向天涯漬也無痕歎音沈消  
得銀屏幾箇黃昏杜郎落魄揚州路縱珠簾盡倦空  
許名存棖觸歡場年時倚醉芳尊當筵不少琵琶語間

琵琶語爲誰溫莫逡巡人去花陰幽緒難論

瑤華

樓雲山館消夏分賦得茉莉花

銀絲細結插近釵梁似簪來香雪迎涼欹枕嬌欲墮惹  
簾餘馨清絕扶持好夢向帳底喚回仙蜨乍夜深觸撥  
芳心遙憶海南風月幾回輕掠鬢雲想浴罷通頭香  
霧霏屑盈盈覩鬢有一點點綴紅妝幽潔破醒牽睡怕  
背地那人偷擷怪阿儂竟體幽芬妬殺星苞一捻

掃花遊

秋陰

晚煙漾碧漸漠漠侵簾悄悄吹戶悲秋甚處正西風倦  
聽寒蛩淒楚望遠心情舊日闌干怕撫畫檐曙有溼翠

帶涼來冒芳樹 雲意和醒住 鎮閣夢籠愁暗催詩句  
故人在否又黃昏過了綠窗無語團扇徘徊更少寒鴉  
影妬漏聲數對芭蕉捲殘心素

月下笛 秋夜感賦

暮色迎涼疎簾做暝玉人何處荒煙外猶聽寒蟲舊時  
語闌花點綴無多豔偏耐得黃昏細雨怪宵涼似水喚  
迴短夢怨情如縷 淒楚驚遲暮記攜手相看雲鬢當  
戶依依欲訴漏聲今夕難數只教頻灑相思淚歎遠夢  
滄波閒阻悵望月在誰家立盡中庭墜露

水龍吟

旅滯棠湖不成歸計撫今追昔朋舊凋零  
回首揚州不禁黯然欲絕

西風做就淒涼鏡中瘦損芙蓉影寒蛩無語孤鴻來去  
催愁赴暝旅館抽毫僧廬聽雨今宵風景萃萬千苦緒  
都到心頭誰能喚華胥醒 休問梧桐金井賦蕪城鮑  
昭筆冷飄英埽地蠅蛸在戶誰家故徑舊雨不來客懷  
如夢異鄉愁竝怕倚闌屈指重陽又報一分霜信

八歸

送黃琴川歸里

雲箋擘粉霞杯浮綠回首倏忽冬盡銷凝幾恨斜陽晚  
曾對亂山青處大旗紅暈昨是依劉歌得所正滿目風  
煙淒緊甚此際念到家山應許雪雙鬢 何況天涯日  
暮江關詞賦又早飄零庾信路隨心迴怨和笳逐古道

鞭絲誰引料盟鷗夢隔綺陌何時付蘭訊傷情處望中  
芳草別意傳來相思吟素恨

醉蓬萊

爲黃堇浦題棠湖紀夢圖

記蘭橈歸處殘月長隄曉風孤岸燕子多愁戀杏花妝  
晚觸緒牽懷那時情味爭說三生幻好夢如塵好花如  
霧這回悵惋一寸柔腸爲誰頻轉落魄同憐淚痕難  
綰縱有琵琶應動飄零歎相別何時相逢何地正相思  
何限莫望天涯幾枝疎柳做成依黯

單學傳

字師白常熟  
人有玉情詞

高陽臺

泊舟崑山感賦

蘭漿衝烟蒲帆捲霧玉峰翠落扁舟花信連番催來燕  
語啁啾曉風驚起沙鷗夢笑沙鷗不解春愁偶回頭夾  
岸桃花錦浪紅浮深盃酌酒尋陶峴但苔黏古堞水  
漫空洲柳色方新幾家人倚高樓清商一曲憑誰和倚  
蓬窗欲唱還休且句留來日清明莫負芳游

申昭模

字子梁元和人諧  
生有織綃廬詞

唐多令

別思繞簾櫳含顰對鏡慵怪垂楊不綰離悰猶記調箏  
蘭閣裏花影膩酒香濃春去太匆匆衾寒夢易空况  
連宵雨雨風風斜倚香篝愁不語珠箔內一鎧紅

蔣恭亮

字賓梅錢塘人諸生有花韻軒詞

長相思

思綿綿恨綿綿舊約西窗信杳然黃花又一年風可  
憐雨可憐小院燈殘人未眠雁聲啼遠天

菩薩蠻

桃花掩映如含笑鶯兒守得桃花老楊柳晚春天有人  
愁暮煙淚珠如雨滴幽怨和誰說猶自下瑤階手攜  
雙鳳釵

蔣坦

字藹卿錢塘人諸生有百合詞

清平樂

題桐陰坐月圖



去年今日風雨高樓歇睡起羅裙慵不摺秋後紗廚猶  
熱月來還照簾櫳舊時風景應同怪底今年秋早庭  
前多了梧桐

暗香

沈朗亭丈囑題其亡室郭慧人夫人畫蝶遺幅

蘼蘼栩栩認滕王畫本多般摹取滿地落花點點春痕  
亂無主如此南園芳草間綠到誰邊纔住剩幾縷瘦影  
斜陽和夢黯烟雨淒楚粉生蠹任頭白庾郎費盡詞  
賦蠟鐙怨曙欲夢羅浮怎飛度休說如輪粉翅彷彿似  
繡羅裙否怕明日風起也又都仙去

沈化杰

字偉士番禺人  
有棣花館詞

人月圓 花朝

紅深翠淺春剛半  
醞釀嫩寒天  
年華如水花光如雪草  
色如烟  
倚闌重憶聘棠嫁杏舊日因緣幾番風信閒  
拈綵筆又記銀箋

趙泰來 字梅皋新會人  
有紫香閣詞

春光好

梅妝靚杏衫紅倚簾櫳細雨簷花開落鳥聲中  
曉院黃鸝學語呢喃紫燕翔空吹散春心無限恨畫闌風

沈玉綸

字芝垣  
有璧月樓詞  
人

卜算子

蕉窗逗烟草堂愛月徘徊永夕冰心悄然  
輒付短竹寫之

蕉迥半庭烟竹露涼如雨一點殘燈淡欲青蛩伴秋人  
語拋屐出苔階蓮漏聽將曙眉月窺人不肯眠先下  
西牆去

清平樂

錦屏寒曉旅雁南來早庭樹蕭蕭紅萸掃一夜秋聲多  
少西風吹瘦簾波吟餘懶整雙蛾好句倩誰同記玉  
籠教與鸚哥

相見歡

東風紅豆開時雨如絲不信天涯無地種相思春夢  
亂舊情泣有誰知又是桃花飛後柳綿吹

虞美人

苔階地拓三弓窄。淺草圍烟碧。惜花人在畫樓中。怕見一簾微雨。褪春紅。玉簫難寄相思恨。絮影飛成陣。離魂無賴似楊花。卻被東風吹去。不還家。

蝶戀花

惱人幾點宵來雨。梁燕辭歸。欲別飛還住。已是客愁無着處。雁聲又向樓頭度。不恨客愁無着苦。只恨西風。吹送年光暮。水濶雲寒秋草路。離魂夢繞鵝湖渡。

齊天樂

秋葉和桐花閣韻

西風吹換。亭皋樹、蕭蕭瘦。暮烟景、楓岸拖紅。桐階墮碧。

響接寒砧催暝霜痕略曠恰似我游踪飄飄無定黯淡  
年華爲誰著意做秋冷 茅檐敲恨未了遠山搖落處  
堆遍樵徑色帶殘陽聲和細雨淒斷黃昏頻聽更闌夜  
靜又悉索平林露鴉啼醒送盡離情一溝流水淨

高陽臺

秋日登越秀山紅棉寺

閣聳扶嵐窗低就樹禪關暮掩斜陽度客疏鐘到門石  
瘦苔荒紅棉寂寞雲房靜曠樓鴉黯澹秋光更憮然半  
榻茶烟萬葉清霜 紅羊昔換名山劫任雲霾佛火雨  
澌花幢秋草殘碑重來宛隔滄桑勞生未了輪蹄苦羨  
山僧冷閱興亡怕憑欄欲寄愁心雁影蒼茫

孔廣牧

字力堂

人

玲瓏四犯

叢卉含秋觸緒縈抱用清真韻寫之

搖落牆陰甚嫋嫋娟娟還自嬌  
豔瘦蝶闌珊香冑數枝  
笑臉門掩獨自聽秋恁  
薛徑夢雲零亂趁夜涼  
月遲星換一夕幾回相見  
茗甌聊抵芳椒薦已無  
眠綠蕉休  
舊東風誤我難重訴  
怕展看花眼誰引暗  
雨打窗管不住落紅千  
點儘燕泥細認春去也  
琴絲散

孫德祖

字彥清山陰人有寄庵詞

浣溪紗

雙橋雨中

一雨瀟瀟溼畫橈  
輕寒惻惻透冰綃  
惜惜小醉過雙橋

碧柳江城愁隱隱綠槐官驛夢迢迢  
朝  
可堪暮暮又朝朝

高陽臺

酒樓秋柳

紅板橋頭青花帘裏西風吹老吳山慘碧絲絲是誰抹  
上涼烟斜陽澹澹寒鴉外照離情別夢都酸最難忘金  
勒驕嘶芳草樓前鏡中潘鬢知何似度清秋冷節殘  
月年年羌笛聲中幾人搖落江關醉來溼盡相思字祝  
長條休拂朱闌待芳塵漬箇愁痕留與人看

黃之馴

字李剛  
吳川人

踏莎行

揚州兵後晤丁保庵於客邸出示萍綠詞  
率題是解

水繞荒城烟迷冷月落梅如雨繁華歇春風詞筆瘦誰  
知綺懷空綰丁香結醉裏徵歌客中話別分明都是  
愁時節天涯惆悵倚樓人孤鴻夜掠平山雪

梁朝禮

字伯芷南海人  
諸生有總角詞

滿江紅

泛棹珠江感賦

樽酒囊詩想當日旗亭畫壁恨不見東山絲竹南園裙  
屐裊裊烟橫楊柳岸溶溶水漾鶯花夕到而今曾閱幾  
年華成疇昔歌舞歇江山寂煙塵過魚龍泣問舊時  
明月前身省識風景依稀猶未改盛衰瞬息何堪說看  
春山如睡甚時醒傷心碧



陳文翊

字彥士長樂人諸生

百字令

字塚

興酣揮灑甚年來費盡無聊筆墨擬向江流深處葬生  
恐魚龍不食荷柄長鑱借坏黃土從此堪藏拙何須更  
道深深瘞玉堪惜縱有多少精華一般埋沒誰繼千  
秋業比似年來征戰苦猿鶴沙蟲同劫碑碣誰題光芒  
永闕休被農夫識寄聲靈鬼夜臺莫再悲泣

喬守敬

字薦生寶應人有紅藤館詞

法曲獻仙音

春郊賦柳用碧山次草窗聚景亭梅韻

晴綠陰陰殘寒淅淅隱閣春情深淺過社年光困人時

候韻華禁烟初換認凍醒巢雅處依依媚村晚 已幽  
黯甚勾來舊時愁夢應閒卻西角那回香輦掩苒夕陽  
低漸天涯和草青遠況又啼鶯恁東風塵絮吹滿怕柔  
條折與倩爾不勝淒怨

黃長森

字襄男  
有自却齋詞

人

百字令

皖江懷古用東坡韻

江聲悲壯算魚龍見慣幾番人物無數青山忠骨瘞撐  
起東南半壁蛇豕殲除犬羊酣豢國事伊誰恤諸公袞  
袞豈無出類英傑 憑弔清水塘邊大觀亭上目斷春  
潮發當日淮西孤掌耳氣運何關興滅雁汭烟沈雞鳴

祀杳天際山如髮滄桑無限試詢江上明月

曾惠

字二泉  
人有夢軒詞

鳳皇臺上憶吹簫

湘江旅夜述懷

羌笛臨風漁歌唱晚柳絲搖落江潯倚篷窗翦燭歸夢  
難尋長向天涯浪迹風橋路曉冷霜禽空贏得鮫珠萬  
點溼徧離襟銷沈雁書迢遞歎舊日腰圍瘦損而今  
況湘波浩渺隔斷鄉心猶記西園載酒同醉聽石上瑤  
琴還知否桃花碧潭一片情深

方士遴

字未詳  
桐城人

山花子

水驛山程又遠遊夢回孤館數更籌已是年年爲客慣  
不知愁對酒更無人似玉捲簾惟見月如鉤多少離  
情多少恨夜燈收

梁履將

字洛觀長  
樂人諧生

醉太平

寒鴉

愁餘夢餘霜耶雪耶寒林一片槎枒背東風自嗟離  
亭霧遮離宮日斜白楊門巷三叉記玉顏那家

雪獅兒

落葉

疏疏螢點淒淒蛩語黯銷魂地亂掩閒苔門巷再來難  
記寒林盡醉恰涼月半規低墜憶昨夜驛亭殘酒不知

醒未 算有飄零客袂倚西風耐得者般情味萬種離  
愁獨上瘦檠紅蕊秋聲雁背帶一片霜華如水空階外  
多少鈴鐸詩思

王

韜

字紫銓吳縣人諸  
生有眉珠庵詞

少年遊

西風吹得愁如許隔院聞低語怪底重陽做出秋陰便  
有淒涼處 綠陰一角紅樓露寂歷無人住半桁筠簾  
幾樹垂楊都是迴腸路

清平樂

愔愔如水小閣簾垂地料理藥鑪人病起乍暖乍寒天

氣 春情落在誰家春風薄透窗紗對鏡纔知容減一  
春愁煞梨花

西子妝

寒雨浹旬芳華頓歇孤懷悵惻爰倚是解

柳外烟霏花邊霧隱做得濃陰如許一分心事一分愁  
歎芳華飄零誰主落紅無語忍親見殘春歸去問東皇  
算怨多恩少碧空難補 無人處開盡小桃門掩瀟瀟  
雨鏡臺信息半無憑況烟波幾重閒阻含酸帶楚渾不  
似年時情緒怕重來只賸荒涼院宇

齊天樂

重至江村舊巢已換滿目蕭然悵焉今昔

斜陽一片銷魂地重來已增淒楚蘚跡黏階苔痕繡徑

舊日曾經行處梁空燕去算尙有流鶯苦留人住記得  
關前深宵涼影共私語而今能否再聚尋春知較晚  
鉛淚如許地老天荒花殘月缺難減柔情一縷閒門聽  
雨更瘦到垂楊暗添愁緒悄悄冥冥自吟腸斷句

周星蓮

字午亭仕  
里未詳

沁園春

題應敏齋射  
雕山館詞

拔幟詞壇別具襟期慨當以慷儘西湖歌舞單衫小扇  
南朝金粉芳草斜陽紅豆春肥青苔秋老慣寫相思字  
幾行爭先唱有旗亭畫壁簫鼓登場捶琴撤笛何妨  
任膩柳豪蕪總擅長更銅琶撥去聲情激越唾壺擊碎

音韻蒼涼易水悲歌大江感慨氣挾風濤筆挽强賡酬  
處聽歌傳襦袴細訂宮商

包汝量

字里均  
未詳

滿江紅

定海令姚公履堂殉洋難後有得其闌中  
所書藍筆字者爲倚是解於後

渺渺忠魂歸何處更無消息但留得殘箋半幅數行遺  
跡宛轉揮成飛白體淋漓染就拖藍色想當年風雨快  
濡毫龍蛇疾思往事紅羊厯想奇氣青霞鬱歎千秋  
名在九泉人隔銜石難填賢宰恨兼金不抵才人筆到  
而今遺愛比甘棠爭珍惜



